

采芳隨筆卷八

北平查 彬伯埜輯

楊柳花狂品也楊樹枝葉短硬而揚起故謂之楊柳樹枝
葉長弱而垂流故謂之柳蓋一物而二種也柳謂之絮
楊謂之花楊柳之秀謂之稊楊柳易生之木也柳春初
生柔莢長寸餘開黃花鱗起莢上甚細碎漸次生葉至
晚春葉長成花中結細子如粟大細扁而黑上帶白絮
如絨名柳絮又名柳絨隨風飛舞入水化為萍柳寄生
類冬青春夏作紫花經冬不凋軻川有柳浪唐有補闕
柳沃民國有白柳老杜呼為天棘花經楊花五品五命

號為狂客唐韋蘇州歎楊花詩云空濛不自定况值暄
風度舊賞逐流年新愁忽盈素纔縈下苑曲稍滿東城
路人意有悲歡時芳獨如故昌黎池上絮云池上無風
有落暉楊花晴後自飛飛為將纖質凌清鏡濕却無窮
不得歸劉夢得柳絮云飄颻南陌起東隣漠漠濛濛好
度春花巷暖隨輕舞蝶玉樓晴拂豔粧人縈迴謝女題
詩筆點綴陶公漉酒巾何處好風偏似雪隋河堤上古
江津又柳花詞三首云開從綠條上散逐香風遠故取
花落時悠揚占春晚輕飛不假風輕落不委地撩亂舞
晴空發人無限思晴天黯黯雪來送青春暮無意似多

情千家萬家去張承吉祐楊花云散亂隨風處處勻庭
前幾日雪花新無端惹著潘郎鬢驚殺綠窻紅粉人楊
凝柳絮云河畔多楊柳追遊盡狹斜春風一回送亂入
莫愁家李明輔建勲柳花寄人云每愛江城裡青春向
盡時一迴新雨歇是處好風吹破石黏蟲網高樓撲酒
旗遙知陶令宅五樹正離披楊祕書巨源楊花落云北
斗南迴春欲老紅英落盡綠尚早韶風澹蕩無所依偏
惜垂楊作春好此時可憐楊柳花縈盈豔曳滿人家人
家女兒出羅幙靜掃玉除待花落寶環纖手捧更飛翠
羽輕裙承不著歷歷瑤琴舞袖陳飛紅拂黛憐玉人東

園桃李芳已歇猶有楊花嬌暮春吳子華楊花云不鬪
穠華不占紅自飛晴野雪濛濛百花常被風吹落唯有
楊花獨愛風薛長史柳花云浮生失意頻起絮又飄淪
發自誰家樹飛來獨院春朝容紫斷砌晴影過諸隣亂
掩空中蝶繁衝陌上人隨波應到海霑雨或依塵會向
慈恩日輕輕對此身薛洪度濤柳絮云二月楊花輕復
微春風搖蕩惹人衣他家本是無情物一任南飛又北
飛宋楊大年柳絮云瓊蘂飄英逐吹繁建章飛舞入千
門羌人自怨殘梅曲莊叟還迷夢蝶魂漢苑風光隨獵
騎洛城花雪撲離樽錦帆蔽日隋堤遠枉逐東流箭浪

翻劉節甫柳絮云半減依依學轉蓬斑駁無奈恣西東
平沙千里經春雪廣陌三條盡日風北斗城高連蟻蠓
甘泉樹密蔽青蔥漢家舊苑眠應足豈覺黃金萬縷空
錢思公柳絮云三月江南花漸稀春陰漠漠雪霏霏章
臺階裏翻輕翠灞水橋邊送落暉陸凱傳情梅暗落韓
憑遺恨蝶爭飛詔書漫道吹綸薄誰見紛紛上客衣宋
景文句云回雪有風嘗借舞落梅無笛可供愁韓魏公
柳絮云楊柳生花不戀枝紛紛終日亦何依聚來庭下
為球輓散向空中作雪飛閒共落英浮遠水靜和幽蝶
舞斜暉見君方惜春難住忍縱輕狂攪擾歸梅聖俞柳

絮云陶令生涯漉酒巾門前種柳萬條新花今吹落蓬
萊雪曲舊得於闐塞人應與殘紅閑是伴不隨舞蝶去
爭春可憐輕質都無定一落銀河莫問津又殿中柳絮
云玉几當中寶作牀無端絮惹御袍香群公唱第魚龍
化列侍金階若堵牆徐仲車柳絮二首云君看青絲藥
開花便棄捐臨風竟離別就地忽團圓孤客正心亂浮
雲來馬前灞橋逢杜甫老淚更潸然長條徒自重狂絮
去何之禁籞穿花樹春江撲酒旗因風無定意著物有
閑時謝女何為者深情在雪詩蔡確楊花云楊花二月
暮撩亂送春歸盡日閑相逐無風亦自飛輕輕攔乳燕

故故撲征衣莫上高樓望徘徊滿落暉石雲溪悉柳絮
云苦無筋力大輕柔何物如君得自由帶雨飄來成墜
雪捲春歸去作飛球汪彥章蓼柳絮云柳絮顛狂不肖
歸等閑東去復西飛我身也是無歸著莫教風吹上妾
衣陳簡齋柳絮云柳送腰肢日幾迴更教飛絮舞樓臺
顛狂忽作高千丈風力微時穩下來陸放翁睡起見楊
花云斷香裊裊傍窓紗睡起瞢騰日未斜堪歎一春風
雨惡今年四月見楊花楊誠齋柳絮云只道垂楊管別
離楊花一去不思歸浮踪浪跡無拘束飛到蛛絲也不
飛樓攻媿楊花云雨壓輕寒春較遲春深不見柳綿飛

忽然飛入閑庭院疑是故人何處歸柳綿無數糝枝頭
日暖隨風撲畫樓萬象可觀惟有雪喜看晴晝滿空浮
為我輕攀綠柳枝帶花低護入攜歸日長深院微風動
要著鬆綿當面飛野芳庭草是生涯老去祇宜閑在家
幾日惜春留不住小鬟為我拾楊花李劉柳絮云蝶撲
蜂黏發出狂飄然欲上白雲鄉無端却被遊絲攪綰住
東風舞幾場虞君平詔柳絮云短長亭外柳依依念我
思歸未得歸粉蝶不知行客恨也隨飛絮點征衣高菊
澗蕭句云風前輕薄佳人命天外飄零蕩子身王花洲
庭彥句云楊柳若知行客恨不教飛絮撲人衣王太沖

思直句云惟有楊花思空濶正零落處是開時張芸叟
柳絮云隨風墜露事輕儇巧占人間欲夏天只恐障空
飛似雪從教糝逕白如綿未央宮裏黏歌袖楊子江頭
惱客船老去強看愁底事昏花滿眼意茫然齊潭州賢
良句云依微謝女吟來雪零落襄王夢裏雲陳肥遯句
云賦性太輕難作主飄蹤無著易黏人朱泚真句云花
邊嬌軟黏蜂翅陌上輕狂趁馬蹄金邢宏撰安國楊花
云細點輕團轉復飄隋家堤岸灞陵橋非綿非絮寒無
用如雪如霜暖不消狂惹客衣知有恨巧尋禪榻故相
撩陂塘回首浮萍滿依舊春風擺翠條高獻臣廷玉柳

絮云斷送春歸去紛飛不暫停和風三徑雪微雨一池
萍蝶惹依芳草蜂沾過小庭靜宜投隙地狂欲攪青冥
得得穿朱戶時時撲翠屏黃鸝枝上語似與訴飄零高
古直楊花云時來官柳萬絲黃去日飛球滿路旁我比
楊花更飄蕩楊花只是一春忙劉少宣勲白云小軒無
事誰知我卧看楊花點硯池元張伯長柳絮云東風殢
殺柳梢頭吹去香綿得自由不到池塘成翠靨顛狂飛
入酒家樓胡申之天遊楊花吟云吳江春水拍天涯江
上風吹楊柳花花飛滿空無處所隨風直渡吳江水渡
水隨風太有情縈花惹草恣輕盈狂如舞蝶穿花徑細

逐流鶯度綺城綺城樓閣連天際楊花飛入千門去飛
去飛來稍覺多紛紛如雪奈君何珠簾繡箔深深見舞
榭妝樓處處過樓中美人春睡起愁見楊花思蕩子蕩
子飄零去不歸楊花歲歲點春衣夢魂不識天涯路願
作楊花片片飛薩天錫句云柳花滿地無人掃隔水遙
看是白雲黃清老天驥柳絮風云三月韶光天氣清游
絲舒卷太無情微飄簾幕當春晝亂撲亭臺似雪晴醉
臉欲吹新燕弱舞腰初軟落花輕江頭點點行人淚相
逐離歌灑客程陳遂初基賦楊花云巷南巷北晝冥冥
搖落春風未肯停薄命不禁巫峽雨前身曾化楚江萍

已于謝女詩中見更向劉郎曲裏聽腸斷不堪回首處
並人飛過短長亭傳汝礪古楊花怨云楊花白如雪無
事學高飛莫作浮萍草漂零不肖歸馬文叔臻楊花云
品題曾入百花名長恨濛濛畫不成灞岸雨餘黏穗濕
章臺風暖撲人輕緩隨流水知無力閒度高樓似有情
想得山齋清影裏亂和蛛網惹柴荆張光弼呈柳花詞
云欄馬牆西欲暮春花飛不復過中甸倚天樓閣晴光
裏爭撲珠簾不避人滿院長條散綠陰誰家門戶碧沉
沈地衣不許重簾隔雪花鋪一寸深楊庶夫飛絮云
春風門巷欲無花絮起晴風落又斜飛入畫簾空惹恨

不知楊柳在誰家
明高季迪柳絮云輕盈易飄泊
思逐春雲亂已拂武昌門
還縈灞陵岸
沙頭雀啄墮水面魚
吹散官樹曉茫茫
哀歌腸欲斷
楊花云風送楊
花滿繡床
飛來紫燕亦成雙
閑人正在停針處
笑嚼飛絨唾
碧窗疎疎簾影漾
微波庭戶無人鳥
自過一樹楊
花三日雨
池塘春水綠萍多
劉煥卿渙柳花云雪點顛
狂亂送春穿簾透
幕苦相親
年年三月西陵渡
愁殺輕舟度水人
朱星父應辰楊花云三月江頭飛
送春撲人隨馬斷人魂
隔簾撩亂春無影
著水蘆纖雪有痕
燕帶殘香飛又落
魚吹小點吐還吞
可憐天性何輕薄
化作

青萍不托根吳原博柳絮云綠嫩遙看更碧柔非烟非
霧曉難收牆高不使花飛過却似浮萍出御溝李西涯
糝徑楊花云漠漠楊花帶遠天舞如輕雪糝如羶徑當
僻處隨人到風向多時著意偏地溼似沾前夜雨日斜
猶照隔溪烟春光到此真須惜莫愛床頭沽酒錢王獻
臣廷相楊花篇云廣陵三月可憐春青青楊柳蘸湖新
長條不綰思歸客散作飛花愁殺人浣紗豔豔吳江女
拾取香毬連袂舉花點輕狂只欲飛徒欲多情亂心緒
吳宮隋苑烟裊裊別有豪華竟春早飛璫流雪灑行旌
日暮迷却長楊道江頭一樹白離離打陣隨風趁落暉

漫天撲地何時住困入滄波却怨誰王鳳洲白云三眠
初作絮百和欲成泥旖旎黏輕浪顛狂撲大堤青絲愁
綰結紅袖惜分攜朱壽民陽仲楊花篇云江南二三月
楊花競芳華寂寞長條攀折盡綠絲飛來千片花千片
飛飛西復東白雪晴雲晝溟濛風吹滿空翳白日散入
千家池館中池館樓臺媚春晝珠箔重重散花柳白玉
筵中拂畫衣琉璃杯裏沽春酒落日千家春酒闌飛花
拂拂玉欄干高處餘風常不欠低邊日氣轉猶寒秦女
樓中粧鏡寐王孫道上相思憶詎將春色報深閨還惹
遊絲度南陌南陌深閨兩地情惜此飄揚花性輕焉知

落地為香土更憐入水作浮萍香土浮萍那堪數虛令
春色年年度今年已見柳花殘明年復見楊花吐愁殺
龍沙千萬山春來春去損朱顏祇被楊花惱妾睡不教
清夢到燕關僧妙聲楊花咏云飛飛辭古柳冉冉媚晴
空愛爾白于雪况乎兼以風游絲相上下戲蝶或西東
終然太輕薄飄轉委泥中近時侯朝宗方域楊花篇云
楊花嘗落水楊花更落衣落衣若有情落水兩不知晴
日盪輕煙花落絲自牽君看三尺條絲牽萬里邊君心
輕于楊妾意濃于花相猜不相離不如絕萌芽起坐白
玉堂倦卧紅牙床一春九十日總為爾飄揚高念東柳